

Մոսուլի մարզի հյուսիսային շրջաններում հայտնի էր քրդական ալ-Հաք-բարիա ցեղային միությունը¹³։ Տիգրիսի արևելյան ափի երկարությամբ բնակվում էր քրդական ալ-Բաշնավիյա ցեղը։ Այստեղ բաշնավիները հաստատվեցին մոտավորապես X դ. սկզբներին¹⁴ և հետզհետե տարածվեցին վերին Միջագետքում։ Իբն ալ-Ասիրը (XIII դ.) նշում է, որ ալ-Բաշնավիյա քրդական ցեղին էր պատկանում Ֆանակ (Փանիկ) ամրոցը¹⁵։ Այս ցեղը միջնադարյան արաբական աղբյուրներում հայտնի է եղել որպես Ֆանակ ամրոցի տեր¹⁶։ Ալ-Կազվինին (XIII դ.) բնդգծում է, որ «Ֆանակը» բարձր լեռան գագաթին գտնվող ամուր բերդ էր, Ջադիրա Իբն Օմարից երկու փարսախ հեռավորության վրա։ Այն երեք դար շարունակ (X—XIII դդ.) գտնվել է ալ-Բաշնավիյա քրդերի տիրապետության տակ¹⁷։

Տիգրիսի արևելյան մասում բնակվում էին քրդական աղ-Ռասինիյա ցեղերը, որոնք կրում էին Ռասին լեռան անունը։ Հայտնի աշխարհագիր Յակուբը (XII—XIII դդ.) այս կապակցությամբ գրում է, որ «Ռասինը հրակա լեռ է Մոսուլի հյուսիսում՝ Տիգրիսի արևելյան կողմից, ուր ապրում են մեծ թվով քրդական թափֆաներ, որոնց ասում են աղ-Ռասինիա (դասինցիներ)»¹⁸։ Յակուբի այս վկայությունը ցույց է տալիս, որ Ռասին անվանումը կրել են քրդական մի շարք ցեղեր։

Արաբական սկզբնաղբյուրները Մոսուլի մարզի հյուսիսային հատվածներում հիշատակում են ալ-Համադիյա (ալ-Հումայդիյա) ցեղը¹⁹։ X դ. երկրորդ կեսին այս ցեղն արդեն ամրապնդվել էր արաբա-բյուզանդական սահմանային գոտում՝ Դիյար Բաքը վարչատարածքային միավորման սահմաններում²⁰։ Սրա առաջնորդ Բասին հաջողվեց այս շրջաններում հիմնադրել մրվանյան քրդական իշխանությունը։ Այս ցեղն ավելի ուշ շարունակեց իր ազդեցությունը պահպանել Մոսուլի հյուսիս-արևելյան շրջանի առանձին տարածքների վրա։ Այստեղ ալ-Համադիյա ցեղին էին պատկանում Ակրը, Շուշը և այլ ամրոցներ։ Ակրը լեռներում ամրացված բերդ էր, գտնվում էր Մոսուլի արևելյան

13. ' یاقوت ' معجم البلدان ' ج . ۱ . ' بیروت ' ۱۹۵۵ ' ص ۵۴ ' ج .

۲ ' بیروت ' ۱۹۵۶ ' ص ۱۸۴ ' ج . ۵ . ' بیروت ' ۱۹۵۷ ' ص ۴۰۸ ' ابن الاثیر ' اللباب ' ج . ۳ . القاهرة ' ۱۳۶۱ ' ص ۲۹۲ ' ابن خلکان ' وفيات ' الاعیان ' ج . ۱ . ' القاهرة ' ۱۸۸۷ ' ص ۴۳۷ .

As-Samāni, al-ansab, Leiden-London, 1912, p. 591.

14. ' یاقوت ' معجم البلدان ' ج . ۴ . ' بیروت ' ۱۹۵۷ ' ص ۲۷۸ .

15. ' ابن الاثیر ' اللباب ' ج . ۱ . القاهرة . ۱۳۵۷ ' ص ۱۲۷ .

16. ' ابن خلدون ' کتاب العبر و دیوان المبتدأ والخبر ' ج . ۴ . ' القاهرة ' ۱۲۸۲ ' ص ۲۵۳ ' ابن الاثیر ' الكامل ' ج . ۷ . القاهرة ' ۱۳۵۳ ' ص ۱۴۳ - ۱۴۴ ' ۳۴۱ .

17. ' القزوینی ' آثار البلاد واخبار العباد ' بیروت ' ۱۹۶۰ ' ص ۴۳۱ - ۴۳۲ .

18. ' یاقوت ' معجم البلدان ' ج . ۲ . ' بیروت ' ۱۹۵۶ ' ص ۴۳۲ .

19. ' ابن خلدون ' کتاب العبر ' ج . ۴ . ' ص ۲۵۱ .

20. ' ابن خلدون ' کتاب العبر ' ج . ۳ . القاهرة ' ۱۲۸۲ ' ص ۴۳۳ ' ابن الاثیر ' الكامل ' ج . ۷ . ' ص ۱۲۱ - ۱۲۲ .